

Peticion pa duna e number di rotonde Noord te Palm Beach pa Caya Pedro Pablo 'Charro' Kelly



ORANJESTAD (AAN): Ex-Ministro Martinus 'Tinchi' Flanegin, a trece un tiki mas di e storia di Pedro Pablo 'Charro' Kelly pa DIARIO.

Manera DIARIO a trece dilanti caba, Charro Kelly a nace dia 19 di October 1941 den e pueblo di Noord. Den su hubentud e tabata gusta practica deporte, e.o futbol y volleyball. El a yega di coach varios team di volleyball.

Despues Charro a traha varios aña na Tefoondienst (cu despues a bira Setar

N.V.)

Na aña 1973, riba peticion di Betico Croes (dfm) el a dreña politica den partido MEP. El a yega di fungi como miembro di Eilandsraad y Diputado di Consoho Insular.

Como persona y como politico el a contribui grandemente na e bienestar y adelanto di Aruba en general y pa e distrito di Noord en particular. E distrito unda e ta hopi stima. Charro ta un di e politiconan grandi cu Noord y Aruba a produci.

Charro a contribui grandemente pa e realisacion di nos Status Aparte, hunto cu Betico Croes (dfm), Nel Oduber y otronan. El a participa den diferente comision y a traha duro pa realisacion di Status Aparte y despues a bay Hulanda y a participa na e Ronde Tafel Conferentie den e delega-

cion di Aruba.

Como Diputado y despues como Minister di Obran Publico y Salubridad Charro a realisa masha hopi proyecto den henter Aruba, y Tinchi Flanegin a menciona algun di nan:

(*) El a inicia cu e proyecto di AZV.

(*) El a funda FCCA y a laga construi casnan di pueblo na Noord y den diferente distrito na Aruba. Nos grandinan por corda con antes Village y un parti di Lago Heights tabata. Charro a laga remplasa e chosanan pa casnan moderno pa e habitantenan.

(*) El a realiza e pier y e club na Hadicurari pa e piscadonan.

(*) El a laga drecha e infraestructura di Eagle Beach cu a bira un hoy a pa e lugar.

(*) E carretera cu ta bay pa e kapel di Alto Vista cu an-

tes tabata den un situacion deplorable a worde drecha na e manera cu e ta awor y asina el a laga drecha hopi carretera tur rond di Aruba y el a ricibi e apodo "Charro asfalt".

(*) E bunita borchinan banda di caminda cu ta indica direccion pa diferente lugar, tambe ta su proyecto.

Asina Flanegin por sigui menciona mas proyecto di Charro.

Na aña 1984 Charro a funda Partido ADN (Accion Democratico Nacional) pa cual partido el a fungi como Minister y Parlamentario. Ilustre miembronan tabata e.o. Pedro Bislip y John Booi tur dos den feliz memoria.

Despues pa motibo di perdida di su señora el a keda hopi tempo inactive den politica.

Algun aña pasa, Charro

a sufri un atake cerebral cu a lag'e parcialmente incapata. Danki na e cuida di su yiunan, su familiarnan y algun amistad e por a sobrevivir pa varios tempo.

Awor cu el a bay laga nos, su pueblo cu ta stimele kier pidi gobierno, den persona di Prome Minister Eveline Wever-Croes pa nombra e caminda di e rotonde di Noord pa Palm Beach na memoria di Pedro Pablo (Charro) Kelly, pa asina e generacionnan cu ta bin por worde recorda di e persona di Charro Kelly y por worde poni na altura di e obranan cu el a realisa na bienestar di su isla.

Na su dos yiunan Sheila y Andre, su nieto- nietanan, su famia en general, nos ta manda palabranan di hopi forsa y cu Charro por sosega na paz, hunto cu su senora Tida cu a bay su dilanti, den reino celestial.